



In Filitosa

Asirciziu d'appiicazioni

Ogettivi pedagogichi

Capacità missi in baddu : calculà cù numari rilativi, frazzioni, numari decimali ; fà cunvirsiuni d'unità ; fà calculi cù grandezzi misuratoghji, frà altru grandezzi cumposti, sprima i risultati cù unità adatti.

Cumpitenzi missi in baddu : circà, mudillizà, raghjuna, calculà.

Enunciatu

A Filitosa hè un situ preistoricu, in a vaddi di u Taravu, in Corsica suttana. U scuprì Charles-Antoine Cesari in u 1946. Ci competini i prima Corsi da u Neuliticu sin'à l'Antichità. I stantari zuccati in u granitu, è i tarraghjuli trovati sopr'à locu datani di circa 33 seculi nanz'à a nostra era. I stantari (alti dui o trè metri) l'ani alzati versu l'anni 1490 nanz'à a nostra era.

Stu situ hè particulari, chì ci si trova ancu un'aliva millenia (1 200 anni oghji) è chì hè accinta da 5 statuli di granitu.



1. Ghjacumu voli fà un mudillettù di u locu induv'edda hè l'aliva.

Sà chì l'arburi misura 18 metri d'altezza cù una circonferenza di 23 metri à liveddu di i rami, è una circonferenza di u fustu di 9 metri à 1 metru da in tarra.

Dicidi di fà una riduzioni di l'aliva, da chì u mudillettù misuresse 15 cm.

Chì hè u cuefficienti di riduzioni di u mudillettù ?

Chì ani da essa tandu i misuri di l'arburi à nant'à u mudillettù ?

2. Da riprisintà i statuli chì accinghjini l'aliva, scegli petri chì i so altezzi sò cumpresi trà 1,5 cm è 1,66 cm.

Chì saria tandu l'altezza vera di i statuli ?

Lessicu

Stàntara : *menhir*.

Tarraghjula : *poterie*.

Mudillettù : *maquette*.